

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA
ZENICA**

Primljeno:	29. 09. 2023		
Org.jed.	Broj	Prilog	Vrijednost
01-	100- 6 - 40		

Na osnovu člana 50. stav 3. Zakona o zdravstvenom osiguranju („Službene novine Federacije Bosne i Hercegovine“, broj: 30/97, 7/02, 70/08, 48/11, 36/18 i 61/22) i člana 60. Statuta Zavoda zdravstvenog osiguranja Zeničko-dobojskog kantona („Službene novine Zeničko-dobojskog kanotna“, broj: 11/16 i 9/19), Upravni odbor Zavoda zdravstvenog osiguranja Zeničko-dobojskog kantona, na 6. sjednici održanoj 27.09.2023.godine donosi

P R A V I L N I K

**o visini, kriterijima i načinu refundacije naknade putnih troškova u vezi sa korištenjem
zdravstvene zaštite**

I - OPĆE ODREDBE

**Član 1.
(Predmet)**

Ovim Pravilnikom utvrđuje se visina, kriteriji i način refundacije naknade putnih troškova u vezi sa korištenjem zdravstvene zaštite u Bosni i Hercegovini, van područja Zeničko-dobojskog kantona koja pripada osiguranim licima Zavoda zdravstvenog osiguranja Zeničko-dobojskog kantona (u daljem tekstu: Zavod), u slučajevima i pod uslovima propisanim Zakonom o zdravstvenom osiguranju.

II - VISINA, KRITERIJI I NAČIN REFUNDACIJE NAKNADE PUTNIH TROŠKOVA

**Član 2.
(Naknada putnih troškova)**

- (1) Naknada putnih troškova pripada osiguranom licu koje je upućeno na liječenje ili medicinsku rehabilitaciju izvan područja Zeničko-dobojskog kantona za najkraću relaciju od mjesta prebivališta do zdravstvene ustanove u visini troškova prevoza javnim prevoznim sredstvom.
- (2) Pod troškovima iz člana 1. ovog Pravilnika ne podrazumijeva se prevoz kolima hitne pomoći.

**Član 3.
(Pravo na refundaciju naknade putnih troškova)**

Osigurano lice ima pravo na refundaciju naknade putnih troškova iz člana 2.ovog Pravilnika ako je upućeno na specijalistički pregled, bolničko liječenje ili medicinsku rehabilitaciju izvan područja Zeničko-dobojskog kantona.

Član 4. **(Kriteriji za ostvarivanje prava na naknadu putnih troškova)**

Osiguranom licu pripada naknada putnih troškova u vezi sa korištenjem zdravstvene zaštite u smislu člana 2.ovog Pravilnika na osnovu:

Odluke Komsije za odobravanje liječenja van područja Zeničko-dobojskog kantona

- Saglasnosti Komisije za liječenje osiguranih osoba Zavoda na teret sredstava Federalnog fonda solidarnosti, izuzev troškova prevoza usluga dijalize
- Odluke Komisije za banjsko-klimatsko liječenje.

Član 5. **(Način ostvarivanja prava na refundaciju naknade putnih troškova)**

(1) Zahtjev za refundaciju naknade putnih troškova osigurano lice podnosi Zavodu u roku od 30 dana od dana korištenja zdravstvene zaštite.

(2) Uz zahtjev osigurano lice je dužno priložiti:

- a) Kopiju medicinske dokumentacije iz koje je vidljivo da je osiguranom licu pružena medicinska usluga u zdravstvenoj ustanovi u koju je upućen (specijalistički nalaz, otpusno pismo)
- b) Kopiju Odluke/Saglasnosti kojom se osigurano lice upućuje na liječenje u zdravstvenu ustanovu izvan Zeničko-dobojskog kantona
- c) Original putnu kartu javnog prevoznika (povratnu ili u dva smijera)
- d) Originalni fiskalni račun iz kojeg je vidljivo da je izvršena kupovina goriva (za kategorije propisane članom 6.ovog Pravilnika).
- e) Kopiju specijalističkog nalaza kojim je dijagnosticirano stanje iz člana 6. ovog Pravilnika
- f) Kopiju Rješenja nadležnog Centra za socijalni rad da je potrebna tuđa njega i pomoć za lica iz člana 6. ovog Pravilnika.
- g) Lični transakcijski račun otvoren kod komercijalne banke (ukoliko je uz zahtjev priložena kopija tekućeg računa druge osobe uz zahtjev se prilaže ovjerena punomoć (osim za: djecu do 18 godina, redovne učenike i studente koji nemaju svoj račun i osigurani su kao član porodice osiguranika i osobe pod starateljstvom).

Zahtjev koji bude zaprimljen nakon proteka roka od 30 dana od dana korištenja zdravstvene zaštite bit će odbačen kao neblagovremen.

III - PRAVA LICA SA INVALIDITETOM

Član 6. **(Lica sa invaliditetom)**

U smislu ovog Pravilnika licem sa invaliditetom se smatraju sljedeće kategorije:

- a) Lica oboljela od sljedećih neuromišićnih oboljenja: cerebralna paraliza, multipla skleroza, myasthenia gravis i mišićna distrofija
- b) Lica sa oduzetošću ekstremiteta (paraplegia, quadriplegia, tetraplegia i hemiplegija)
- c) Slijepa lica
- d) Lica sa teškim mentalnim oštećenjima kategorije 100% (autizam, downov sindrom...)

Član 7.

(Pravo na refundaciju nakanade putnih troškova za lica sa invaliditetom)

- (1) Osigurana lica iz člana 6.ovog Pravilnika imaju pravo na refundaciju naknade putnih troškova u visini 15% cijene goriva po pređenom kilometru.
- (2) Tabela udaljenosti mjesta sjedišta zdravstvene ustanove od prebivališta osiguranog lica je sastavni dio ovog Pravilnika. (Aneks 1)

IV - PRELAZNE I ZAVRŠNE ODREDBE

Član 8.

(Stupanje na snagu)

Ovaj Pravilnik stupa na snagu objavom u „Službenim novinama Zeničko-dobojskog kantona“.

Broj: 01-100-6-40/23

Zenica, 27.09.2023.godine

DOSTAVLJENO:

- 1x Službene novine Zeničko-dobojskog kantona
- 1x direktor
- 2x pomoćnik direktora
- 1x doktor medicine
- 2x Služba za pravne i opće poslove
- 1x poslovnice
- 1x web stranica
- 1x Služba za finansijske i računovodstvene poslove
- 1x Služba za sprovođenje zdravstvenog osiguranja
Analitičko-planske poslove
- 1x Služba za javne nabavke
- 1x a/a



ANEKS 1**TABELA UDALJENOSTI SJEDIŠTA ZDRAVSTVENE USTANOVE OD PREBIVALIŠTA OSIGURANOG LICA**

	Tuzla	Sarajevo	Teslić Banja Vrućica	Fojnica Reumal	Olovo Aquaterm	Sarajevo Banja Terme Ilijadža	Tuzla Aqua Bristol	Gradačac Ilijadža
Zenica	280	140	150	122	202	140	280	280
Kakanj	330	110	246	108	165	140	330	330
Visoko	360	75	280	64	130	75	360	360
Breza	380	65	300	90	120	65	380	380
Vareš	280	100	290	140	60	100	280	280
Olovo	230	105	110	190		105	230	230
Zavidovići	170	245	80	220	150	245	170	190
Žepče	190	220	75	190	170	220	190	210
Maglaj	170	250	85	220	200	250	170	170
Doboj-jug	140	285	45	260	240	285	140	140
Usora	150	310	35	280	260	310	150	150
Tešanj	160	300	40	280	270	300	160	160

Izražena kilometraža je u oba pravca (odlazak i povratak)

